

菴
間
集

花間集

趙崇祚編

7222.042

花 間 集

趙崇祚編

*

文學古籍刊行社出版

(北京市書刊出版業營業許可證出字第〇五九號)

北京朝陽門大街三二〇號

商務印書館上海廠印刷

新華書店發行

*

書號：(70)

開本 850×1168 耗 1/32 印張 7 7/8 插頁 2

一九五五年九月北京第一版

一九五八年三月上海第二次印刷

印數 3101—7100

定價 (8) 1.10 元



花間集序



武德軍節度判官歐陽

炯撰

鏤玉彫瓊擬化工而迫巧裁花剪葉奪春艷
以爭鮮是以唱雲謠則金母詞清挹霞醴則
穆王心醉名高白雪聲聲而自合鸞歌響遏
青雲字字而偏諧鳳律楊柳大堤之句樂府
相傳芙蓉曲渚之篇豪家自製莫不爭高門
下三千玳瑁之簪夢富罇前數十珊瑚之樹

則有綺筵公子繡幌佳人遞葉葉之花牋文
抽麗錦舉纖纖之玉拍拍按香檀不無清絕
之辭用助嬌饒之態自南朝之宮體扇北里
之倡風何止言之不文所謂秀而不實有唐
已降率土之濱家家之香逕春風寧尋越艷
處處之紅樓夜月自瑣嫦娥在明皇朝則有
李太白應制清平樂詞四首近代溫飛卿復
有金筌集邇來作者無媿前人今衛尉少卿

字弘基以拾翠洲邊自得羽毛之異織綃泉
底獨殊機杼之功廣會衆賓時延佳論因集
近來詩客曲子詞五百首分爲十卷以炯粗
預知音辱請命題仍爲序引昔郢人有歌陽
春者號爲絕唱乃命之爲花間集庶以陽春
之甲將使西園英哲用資羽蓋之歡南國嬋
娟休唱蓮舟之引時大蜀廣政三年夏四月
日序

花間集序

花間集一部十卷



銀青光祿大夫行衛尉少卿趙崇祚集

溫助教

庭筠 六十六首

皇甫先輩

松 十一首

韋相

莊 四十七首

薛侍郎

昭蘊 十九首

牛給事

嶠 三十三首

張舍人

泌 二十七首

毛司徒

文錫 三十一首

牛學士

希濟 十一首

歐陽舍人

炯 十七首

和學士

凝 二十首

顧太尉

夔 五十五首

孫少監

光憲 六十一首

花間集 目錄

魏太尉

承斑十五首

鹿太尉

虔宸六首

閻處士

選八首

尹叅卿

鷄六首

毛祕書

熙震三十首

李秀才

洵三十七首



花間集卷第一

五十首



溫助教

庭筠
五十首



菩薩蠻

十四首

更漏子

六首

歸國遙

二首

酒泉子

四首

定西番

三首

楊柳枝

八首

南歌子

七首

河瀆神

三首

女冠子

二首

玉胡蝶

一首

菩薩蠻

溫庭筠

小山重疊金明滅。鬢雲欲度香顚雪。懶起畫
蛾眉。弄粧梳洗遲。照花前後鏡。花面交相
映。新帖繡羅襦。雙雙金鷓鴣。

水精簾裏頗梨枕。暖香惹夢鴛鴦錦。江上柳
如煙。鴈飛殘月天。藕絲秋色淺。人勝參差
剪。雙鬢隔香紅。玉釵頭上風。

藥黃無限當山額。宿粧隱笑紗窓隔。相見牡
丹時。暫來還別離。翠釵金作股。釵上蝶雙

舞心事竟誰知月明花滿枝

翠翹金縷雙鷗鵲水紋細起春池碧池上海棠梨雨晴紅滿枝
繡衫遮笑靨煙草粘飛蝶青瑣對芳菲玉關音信稀

杏花含露團香雪綠楊陌上多離別燈在月朧明覺來聞曉鶯
玉鈎褰翠幕粧淺舊眉薄春夢正關情鏡中蟬鬢輕

玉樓明月長相憶柳絲裊娜春無力門外草

萋萋送君聞馬嘶
畫羅金翡翠香燭銷成
淚花落子規啼綠窓殘夢迷

鳳皇相對盤金縷牡丹一夜經微雨明鏡照
新粧鬢輕雙臉長
畫樓相望久欄外垂絲
柳音信不歸來社前雙鷺迴

牡丹花謝鶯聲歇綠楊滿院中庭月相憶夢
難成背窓燈半明
翠鈿金壓臉寂寞香閨
掩人遠淚闌干鷺飛春又殘

滿宮明月梨花白。故人萬里關山隔。金鴈一
雙飛。淚痕沾繡衣。小園芳草綠。家住越溪
曲。楊柳色依依。驚歸君不歸。

寶函鈿雀金鸂鶒。沉香闌上吳山碧。楊柳又
如絲。驛橋春雨時。畫樓音信斷。芳草江南
岸。鸞鏡與花枝。此情誰得知。

南園滿地堆輕絮。愁聞一霎清明雨。雨後却
斜陽。杏花零落香。無言勾睡臉。枕上屏山

掩時節欲黃昏無慘獨倚門。

夜來皓月纔當午重簾悄悄無人語深處麝
煙長卧時留薄粧當年還自惜往事那堪
憶花露月明殘錦衾知曉寒

雨晴夜合玲瓏日萬枝香裊紅絲拂閑夢憶
金堂滿庭萱草長繡簾垂景款眉黛遠山
綠春水渡溪橋凭欄魂欲銷

竹風輕動庭除冷珠簾月上玲瓏影山枕隱

穠粧綠檀金鳳皇
兩蛾愁黛淺故國吳宮
遠春恨正關情畫樓殘點聲

更漏子

柳絲長春雨細花外漏聲迢遞
驚塞鴈起城烏盡屏金鷓鴣
香霧薄透簾幕惆悵謝家
池閣紅燭背繡簾垂夢長君不知

星斗稀鍾鼓歇簾外曉鶯殘月
蘭露重柳風斜滿庭堆落花
虛閣上倚欄望還似去年

惆悵春欲暮，思無窮。舊歡如夢中。

金雀釵紅粉面，花裏暫時相見。知我意，感君
憐。此情須問天。香作穗，蠋成淚，還似兩人
心意。山枕膩，錦衾寒，覺來更漏殘。

相見稀，相憶久。眉淺澹，煙如柳。垂翠幕，結同
心。侍郎燠繡衾。城上月白如雪，蟬鬢美人
愁絕。宮樹暗，鵲橋橫，玉籤初報明。

背江樓臨海月，城上角聲鳴咽。堤柳動，島煙